

**Ancaman Kristianisasi tetap ada walau nama seminar ditukar, kata Perkasa**  
**The Malaysian Insider**  
**31 Mac, 2012**  
**Oleh Shazwan Mustafa Kamal**

KUALA LUMPUR, 31 Mac — Kerajaan Johor telah tunduk kepada “tekanan politik” melalui penukaran tajuk seminar “anti Kristianisasi, kata Perkasa.

Pertubuhan NGO Melayu ini berkata keputusan Jabatan Mufti dan Jabatab Pelajaran Johor menukar tajuk seminar tersebut tidak akan mengubah fakta bahawa gerakan Kristianisasi itu berlaku.

“Walaupun tajuk seminar Sabtu ini telah ditukar dan perkataan “ancaman Kristianisasi digugurkan”, ia akan dibincangkan di seminar.

“Perkara faham ada sesetengah pihak yang tidak berpuas hati dengan tajuk asal tapi nereka perlu mengakui bahawa memang berlaku “ancaman Kristianisasi” terhadap Muslim di negara ini, jangan nafikan perkara itu,” kata Setiausaha Agung Perkasa Syed Hassan Syed Ali (gambar) kepada The Malaysian Insider.

Pemimpin Perkasa itu menambah, kumpulannya tidak bersetuju dengan penukaran tajuk seminar tersebut, tapi jelasnya memahami keadaan itu mungkin berlaku disebabkan tekanan politik.

Syed Hassan turut mempersoalkan kenapa organisasi seperti Majlis Peguam tidak mempertahankan hak kerajaan negeri untuk menganjurkan seminar tersebut, dan menuduh mereka bersikap hipokrit kerana membisu berkenaan perkara itu.

“Mana Majlis Peguam dalam perkara ini? Jangan biarkan hanya kerana disebabkan agenda politik untuk mereka mempertahankan kebebasan bersuara,” tambah Syed Hassan.

Penganjur seminar “anti Kristianisasi” untuk guru agama di Johor telah menukar tajuk seminar kerana menerima tekanan daripada kumpulan bukan Muslim lapor Benama Online semalam.

Seminar yang sebelum ini bertajuk “Pemantapan Aqidah, Bahaya Liberalisme dan Pluralism Serta Ancaman Kristianisasi Terhadap Umat Islam. Apa Peranan Guru?” tidak lagi menyentuh berkenaan ancaman Kristianisasi.

“Seminar itu hanya bertujuan untuk mengukuhkan akidah umat Islam dan tidak perlu dipolitikkan oleh mana-mana parti dan mendakwa seminar itu ancaman kepada agama lain,” kata Datuk Maulizan Bujang, exco pendidikan dipetik Bernama Online.

Namun begitu, pegawai di Jabatan Mufti Johor telah berkata walaupun tajuk seminar itu diubah, isi kandungan dan struktur seminar berkenaan akan dikekalkan.

“Seminar itu adalah hak Muslim untuk mempertahankan akidah daripada mana-mana perkara yang boleh menjurus kepada gejala murtad. Itu tanggungjawab kita,” Bernama

Online memetik kenyataan pegawai yang enggan mendedahkan identitinya..

Isu berkenaan seminar tersebut telah menerima kritikan daripada komuniti bukan Muslim, yang terkejut kerana tajuk seminar itu menyebut berkenaan Kristian.

Ketua panel hubungan agama Kabinet, Datuk Azman Amin Hassan berkata "tajuk yang provokatif" itu bertentangan dengan minggu harmoni agama yang dilancarkan oleh Timbalan Perdana Menteri Tan Sri Muhyiddin Yassin bulan lalu.

Tambahnya, "tindakan mengukuhkan akidah tidak salah, tapi seminar sedemikian "akan menyebabkan [komuniti bukan Islam] rasa tidak selesa."

Majlis Perundingan Buddha, Kristian, Hindu, Sikh, dan Tao (MCCBCHST) turut menuntut kerajaan menjelaskan pelaksanaan program yang mendapat "kritikan" itu.

Kumpulan Muslim bagaimanapun, menegaskan seminar sedemikian adalah perlu bagi menghalang ancaman gejala murtad, yang mana menurut mereka tetap berlaku walaupun tida bukti mengesahkan perkara itu.

Pertubuhan Pembela Islam (PEMBELA) turut menegaskan seminar tersebut adalah hak Muslim yang turut dinyatakan di dalam Perlembagaan Persekutuan.

Perkasa sebelum ini turut menganggap penganjur adalah pengecut sekiranya mereka mengalah terhadap tekanan politik mengubah tajuk seminar itu.

Kristian membentuk 9.2 peratus daripada populasi 28.3 juta rakyat Malaysia.

Sejak beberapa tahun kebelakangan ini, Kristian dan Muslim seringkali bertelagah dalam isu berkenaan perkataan "Allah", yang mana mereka menegaskan perkataan itu adalah eksklusif untuk mereka yang mana Islam adalah monoteistik dan perkataan "Allah" adalah merujuk kepada tuhan Muslim.

Kristian turut mempersoalkan "Allah" adalah perkataan arab yang turut digunakan agama lain seperti Yahudi, yang merujuk kepada Tuhan termasuk Arab dan Indonesia.

Kumpulan konservatif Muslim turut menuduh Kristian bertanggungjawab dalam cubaan memurtadkan orang Islam dan situasi tersebut menimbulkan ketegangan antara kedua-dua agama tersebut.

The Malaysian Insider

Hakcipta © 2012 The Malaysian Insider

Source: <http://www.themalaysianinsider.com/bahasa/article/ancaman-kristianisasi-tetap-ad-a-walau-nama-seminar-ditukar-kata-perkasa1/>